

Gvangjsih Minzcuz Bau

Cawjguenj: Gvangsih Bouxcuengh Swcigh Minzcuz Cunghgyau Swvu Veijyenzei Cawjbanh: Gvangsih Minzcuz Bause Geiz neix 8 banj
广西民族报 Aenhauh okbanj: CN45-0036 B.2024 Nd.7 Ng.24 Liggaeuq gyapsaenz nienz ndwenloeg cibgouj Geizsoq: Gungh daih 3632 geiz

Aen Gunghbau Cunghgoz Gungcanjdangj Gaiq Ngeihcib Cunghyangh Veijyenzei Baez Hoih Daengxcungq Daihsam

(2024 nienz 7 nyied 18 hauh Cunghgoz Gungcanjdangj Gaiq Ngeihcib Cunghyangh Veijyenzei Baez Hoih Daengxcungq Daihsam doenggvaq)

Cunghgoz Gungcanjdangj Gaiq Ngeihcib Cunghyangh Veijyenzei Baez Hoih Daengxcungq Daihsam youq 2024 nienz 7 nyied 15 hauh daengz 18 hauh youq Baekging hai.

Gij veijyenzei daeuq camgya baez cienzhohi neix miz, cunghyangh veijyenzei 199 baux, baux cunghyangh veijyenzei deqbouj 165 baux. Doengh baux veijyenzei aen cangzvu veijyenzei Cunghyangh Gijliz Genjcaz Veijyenzei caeuq gij bauxdaeuq mizgven fuengmienh lezsiz baez hoih neix. Mbangi gihcwngz dungzci caeuq conghyah yozcej ndaw daihyauj Ngeihcib Daih aen Dangj caemh lezsiz baez hoih neix.

Cienzhohi youz Cunghyangh Cwngcigiz guhdaeuq hai. Baux cungjsuhgi Cunghyangh Veijyenzei Siz Ginbingz guh le gangjvah youqgaen.

Cienzhohi dingqaeu caeuq yaenglwnh le aen baugau hongsaeh youz Cunghyangh Cwngcigiz dak Siz Ginbingz guh haenx, saemjlnh doenggvaq le 《Aen Gietdingh Cunghgung Cunghyangh Gven-daengz Caiq Cienzmienh Gyalae Gaijgwz Doihaeuq Gij Yendaiva Yiengh Cungguk》. Siz Ginbingz doiq 《Gietdingh (Faenh Gauj Yaenglwnh)》 youq gwnz hoih guh le gangjmingz.

Cienzhohi cibfaen haengjdingh gij hongsaeh Cunghyangh Cwngcigiz daj Baez Ngeih Cungh Cienzhohi Gaiq Ngeihcib aen Dangj doxdaeuq guh haenx. Doengzcaez nyinhnaeuq, najdoi aen vanzging rog guk yiemzhaenq fukcab caeuq gij yinvu gaijgwz hwngfat onjdingh ndaw guk gannanz naekgywg, Cunghyangh Cwngcigiz nyinhcaen doeksaed gij cingsaenz Ngeihcib Daih caeuq Baez It Cungh Baez Ngeih Cungh Cienzhohi Gaiq Ngeihcib aen Dangj, youh caez youh cinj cienzmienh doekguh yiengh leixniemh hwngfat moq, dawzmaenh aen diuhgoek guhhong youq ndaw onjmaenh gouz baenaj, daengxbuenz suenqveh doihauj aen cungjdaej baijbouh “haj yiengh gap baenz aen”, dox boiqhab bae doihauj aen canloz baijbouh “seiq aen cienzmienh”, daengxbuenz suenqveh ndaw guk rog guk song aen daihbuenz, daengxbuenz suenqveh hwngfat caeuq ancienz, roengzrengz doinyoengx yiengh hwngfat caetliengh sang, caiq doinyoengx caeuq maeuzveh cienzmienh gyalae gaijgwz, netsaed doihauj hwnqguh yiengh minzcuj fapceih sevei cuji, mboujduenh gyarengz guh gij hongsaeh senhconz swhsiengj vwnzva, saedcaih ca ndei gij hongsaeh baujcaeng gwndaen bekking caeuq baujhoh swngghai vanzging, laemxsim henhoh gukgya ancienz caeuq ndawbiengz onjdingh, mizrengz doihauj guh’ak gozfangz caeuq bingdoi, laebdaeb doihauj gij hongsaeh Yanghgangj Aumwnz caeuq gij hongsaeh nangqdaengz Daizvanh, haeujlaeg doihauj yiengh vaigyaueh gukhung miz gij daegsaek Cungguk, daengzdaej doihauj cienzmienh yiemzhaenq guenj Dangj, guhbaenz ginghci ndaej dauqhwngh coh ndei, cienzmienh

hwnqguh aen gukgya sevei cuji yendaiva byaij ok yamqdin maenhsaed.

Cienzhohi gig sang bingzgyaq le gij hongsaeh gaeng baenz caeuq yiengh cingzcik hungmbwk sezdaih moq doxdaeuq cienzmienh gyalae gaijgwz aeundaen, munaemj le gij vwndiz caiq cienzmienh gyalae gaijgwz, doihauj gij yendaiva yiengh Cungguk, nyinhnaeuq seizneix caeuq baezlaeng mboengq ndeu, dwg mboengq ceiq youqgaen aeu yendaiva yiengh Cungguk bae cienzmienh doihauj gij saehnieb hungmbwk hwnqguh gukak, fukhwng minzcuz. Gij yendaiva yiengh Cungguk, dwg youq ndaw gaijgwz hailangh mboujduenh guh doxbae, ngoenzlaeng hix itdingh youq ndaw gaijgwz hailangh hai ok roennaj gvangqlangh. Najdoi gij hingzseiq lai yiengh labluen ndaw guk rog guk, najdoi lwnz moq gohgi gwzming caeuq canjnieb bengwz, najdoi gij maqmuengh moq yinzminz ginzung, itdingh aeu gagrox baij gaijgwz youq giz engq youqgaen, gaenjmaenh hopheux gaiq hong doihauj gij yendaiva yiengh Cungguk caiq bae cienzmienh gyalae gaijgwz.

Cienzhohi daegbied gangj daengz, caiq cienzmienh gyalae gaijgwz, itdingh aeu dawzmaenh Majgwzsw Lezningz Cuiji, Mauz Cwzdungh Swhsiengj, Dwng Siujbingz Lijlun, “Sam Aen Daihyauj” Cungyau Swhsiengj, Gohyoz Fazcanj-gvanh, cienzmienh dawzdingh Aen Swhsiengj Sevei Cuiji Miz Gij Daegsaek Cungguk Sezdaih Moq Siz Ginbingz, haeujlaeg hagsib dawzdingh baenzroix swhsiengj moq, gvanhdenj moq, lwnhduenh moq Siz Ginbingz cungjsuhgi gangj cienzmienh gyalae gaijgwz, youh caez youh cinj cienzmienh doekguh yiengh leixniemh hwngfat moq, dawzmaenh aen diuhgoek guhhong youq ndaw onjmaenh gouz baenaj, seizseiz gaijfang swhsiengj, ciuq saedsaeh guh, riengz seiz baenaj, gouz caen guh saed, caiq bae langhcuengq caeuq guhhoengh gij swngghanliz ndawbiengz, gikfat caeuq dem’ak gij rengzhoengh ndawbiengz, daengxbuenz suenqveh ndaw guk rog guk song aen daihbuenz, daengxbuenz suenqveh doihauj aen cungjdaej baijbouh “haj yiengh gap baenz aen”, dox boiqhab bae doihauj aen canloz baijbouh “seiq aen cienzmienh”, aeu ginghci dijci gaijgwz daeuq yienyinx, aeu coihauj ndawbiengz goengbingz cingqngaih, gyalai fukheiq hawj yinzminz guh giz hwnjdin caeuq giz roengzdin, engqgya yawjnaek hidungj comzbaenz, engqgya yawjnaek lai haeujrengz giz youqgaen, engqgya yawjnaek gaijgwz raen ndei raen baenz, doinyoengx swngghanj gvanhhi caeuq swngghanliz, sangcwngz gencuz caeuq ginghci giekdaej, gukgya ceihleix caeuq aenbiengz hwngfat engq ndei doxhab doxngamj, aeu rengz hung caeuq aeu cidu bauj guh ndei gaiq hong yendaiva yiengh Cungguk.

Cienzhohi ceijok, aen cungmoegbiu caiq cienzmienh gyalae gaijgwz dwg laebdaeb caezcien

caeuq hwngfat aen cidu sevei cuji miz gij daegsaek Cungguk, doihauj aen dijhi ceihleix caeuq gij naengzlig ceihleix gukgya hab yienhdaih aeuyungh. Daengz 2035 nienz, cienzmienh guhbaenz aen dijci yiengh hawciengz ginghci sevei cuji suijbingz sang, aen cidu sevei cuji miz gij daegsaek Cungguk engqgya caezcien, daihdaej guhbaenz aen dijhi ceihleix caeuq gij naengzlig ceihleix gukgya hab yienhdaih aeuyungh, daihdaej guhbaenz sevei cuji yendaiva, vih daengz duenhgyang aen sigij neix ndaej cienzmienh hwnqbaenz aen gukak sevei cuji yendaiva dwk roengz giekdaej maenhsaed. Aeu comzrengz bae cauhaeb aen dijci yiengh hawciengz ginghci sevei cuji suijbingz sang, comzrengz bae guh yiengh yinzminz minzcuj ronzoeng goekbyai, comzrengz bae hwnqguh aen vwnzva gukak sevei cuji, comzrengz bae hawj yinzminz gwndaen engq ndei, comzrengz bae hwnqguh aen Cungguk gyaunde, comzrengz bae hwnqguh aen Cungguk an’ onj suijbingz engq sang, comzrengz bae hawj Dangj engq rox lingjdauj caeuq ciengzgeiz gaemgienz, laebdaeb doi gaijgwz guh baenaj. Daengz 2029 nienz mwh Cunghvaz Yinzminz Gunghozgoz laebbaenz 80 hopbi, guhbaenz gij yinvu gaijgwz ndaw aen gietdingh neix daezok haenx.

Cienzhohi daegbied gangj daengz, caiq cienzmienh gyalae gaijgwz aeu cunggez caeuq yunghndei gij gingniemh dijbaej gaijgwz hailangh doxdaeuq daegbied dwg cienzmienh gyalae gaijgwz sezdaih moq, hengz ndei gij yenzcwz dawzmaenh seizseiz yienghyiengh aeu Dangj lingjdauj, dawzmaenh cuengq yinzminz youq vih daih’ it, dawzmaenh souj goek cauhamoq, dawzmaenh aeu cidu gensez guh sienqmeh, dawzmaenh cienzmienh ciuqfap guenj guk, dawzmaenh hidungj gvanhnen daengj.

Cienzhohi doiq caiq cienzmienh gyalae gaijgwz guh’ok baenzroix baijbouh, daegbied gangj daengz cauhaeb aen dijci yiengh hawciengz ginghci sevei cuji suijbingz sang, laebcaez aen dijci gihi doinyoengx ginghci caetliengh sang bae hwngfat, cauhaeb aen dijci gihi haeujcoengh yienghyiengh cauhamoq, laebcaez aen dijhi ceihleix hungzgvanh ginghci, laebndei aen dijci gihi hawsingz lajmbanj yungzhab hwngfat, laebndei aen dijci gihi doiq rog hailangh suijbingz sang, laebcaez aen cidu dijhi yinzminz minzcuj ronzoeng goekbyai, laebndei aen dijci fapceih sevei cuji miz gij daegsaek Cungguk, gyalae gaijgwz aen dijci gihi vwnzva, laebcaez aen cidu dijhi baujcaeng caeuq gaijnde gwndaen bekking, gyalae gaijgwz aen dijci swngghai vwnzminz, doicaenh aen dijhi caeuq gij naengzlig gukgya ancienz habngamj yienhdaih aeuyungh, laebdaeb gyalae gaijgwz gozfangz caeuq bingdoi, hawj Dangj engq rox lingjdauj bae guh caiq cienzmienh gyalae gaijgwz, doihauj gij yendaiva yiengh Cungguk. (cienj banj 2)